





Blank page with faint grid lines and bleed-through text from the reverse side. The text is illegible due to fading and bleed-through.

Blank page with faint grid lines and bleed-through text from the reverse side. The text is illegible due to fading and bleed-through.

孟子卷第六

滕文公章句下

凡十章



陳代曰不見諸侯宜若小然今一見之大則
以王王小則以霸且志曰枉尺而直尋宜若可

為也

陳代孟子弟子也代見諸侯有來聘請見孟子孟子有所不見以為孟子欲以

是為介故言此介得無為使小乎如一見之
儻得行道可以輔致霸王乎志記也枉尺直
尋欲使孟子屈已信
道故言宜若可為也
孟子曰昔齊景公田招

虞人以旌不至將殺之

虞人守苑囿之吏也招之當以皮冠而以

旌故不至也

志士不忘在溝壑勇士不忘喪其元

孔子奚取焉取非其招不往也如不待其招

而往何哉

志士守義者也君子固窮故常念死無棺槨沒溝壑而不恨也勇士

義勇者也元首也以義則喪首不顧也孔子奚取取守死善道非禮招已則不往言虞人

不得其招尚不往如何君子而不待其招直事妄見諸侯者何為也

且夫枉尺

而直尋者以利言也如以利則枉尋直尺而

利亦可為與

尺小尋大不可枉大就小而以要利也

昔者趙簡

子使王良與嬖奚乘終日而不獲一禽嬖奚

反命曰天下之賤工也

趙簡子晉卿也王良善御者也嬖奚簡子

幸臣以不能得一禽故反命於簡子謂王良天下鄙賤之工師也

或以告王

良良曰請復之

聞嬖奚賤之故請復與乘

強而後可

強嬖奚乃

肯一朝而獲十禽嬖奚反命曰天下之良工

也

以一朝得十禽故謂之良工

簡子曰我使掌與女乘

掌

也使王良謂王良良不可王良不肯曰吾為之範

我馳驅終日不獲一為之詭遇一朝而獲牛

範法也王良曰我為之法度之御應禮之射

正殺之禽不能得一橫而射之曰詭遇非禮

之射則能獲十言嬖詩云不失其馳舍矣如

奚小人也不習於禮破我不貫與小人乘請辭詩小雅車攻之篇

馳驅之法則射者必中之順毛而入順毛而

出一發貫臆應矢而死者如破矣此君子之

射也貫習也我不習與小人乘御者且羞與

射者比比而得禽獸雖若丘陵弗為也如枉

道而從彼何也孟子引此以喻陳代云御者

子如何欲使我枉正道而且子過矣枉已者

未有能直入者也謂陳代之言過謬也人當

能正人○章指言脩禮守正非招不往枉道

富貴君子不許是以諸侯雖有善其辭命伯

夷亦不景春曰公孫衍張儀豈不誠大丈夫

哉一怒而諸侯懼安居而天下熄景春孟子

橫之術者公孫術魏人也號為犀首常佩五
國相印為從長秦王之孫故曰公孫張儀合
從者也一怒則搆諸侯使強陵弱故言
懼也安居不用辭說則天下兵革熄也 孟字

曰是焉得為大丈夫乎子未學禮乎丈夫之

冠也父命之女子之嫁也母命之往送之門

戒之曰往之女家必敬必戒無違夫子以順

為正者妾婦之道也 孟子以禮言之男子之

當婉順從人耳男子之冠則命曰就爾成德
今此二子從君順指行權合從無轉弱之義

安得為大 居天下之廣居立天下之正位行
丈夫也

天下之大道得志與民由之不得志獨行其

道富貴不能淫貧賤不能移威武不能屈此

之謂大丈夫 廣居謂天下也正位謂男子純
乾正陽之位也大道仁義之道

也得志行正與民共之不得志隱居獨善其
身守道不回也淫亂其心也移易其行也屈

挫其志也三者不惑乃可謂大丈夫○章指
言以道匡君非禮不運稱大丈夫阿意相謀

善戰務勝事雖有剛心歸 周霄問曰古之君
柔順故云妾婦以況儀術

子仕乎

周霄魏人也問君子之道當仕否

孟子曰仕傳曰孔

子三月無君則皇皇如也出疆必載質

質臣所執

以見君者也三月一時也物變而不依君化故皇皇如有所求而不得

公明儀

曰古之人三月無君則吊

公明儀賢者也而言古人三月無君

則予明當仕也

三月無君則吊不以急乎

周霄怪乃予於三月

無君何其急也

曰士之失位也猶諸侯之失國家也

禮曰諸侯耕助以供粢盛夫人蠶繅以為衣

服犧牲不成粢盛不絜衣服不備不敢以祭

惟士無田則亦不祭牲殺器皿衣服不備不

敢以祭則不敢以宴亦不足吊乎

諸侯耕助者躬耕勸

率其民收其藉助以供粢盛粢稷盛稻也夫人親執蠶繅之事以率女功衣服祭服不成不實肥脂也惟辭也言惟絀祿之士無圭田者不祭牲必特殺故曰殺皿所以覆器者也

不祭則不宴猶喪人也不可予乎出疆必戴質何也 周霄問出疆何

為復載質曰士之仕也猶農夫之耕也農夫豈為

出疆舍其耒耜哉孟子言仕之為急若農夫不可不耕曰晉國

亦仕國也未嘗聞仕如此其急仕如此其急

也君子之難仕何也魏本晉也故周霄曰我晉人也亦仕而不知其

急若此君子何為難仕君子謂孟子何為不急仕也曰丈夫生而願為

之有室女子生而願為之有家父母之心人

皆有之不待父母之命媒妁之言鑽穴隙相

窺踰牆相從則父母國人皆賤之言人不可觸情從欲

頊禮而行古之人未嘗不欲仕也又惡不由其道

不由其道而往者與鑽穴隙之類也言古之人雖欲

仕如不由其正道是與鑽穴隙者何異○章指言君子務仕思播其道達義行仁待禮而

動苟容干祿踰牆之女彭更問曰後車數十人之所賤故弗為也

乘從者數百人以傳食於諸侯不以泰乎甚泰

也彭更孟子弟子怪孟子徒眾多而傳食於諸侯之國得無為甚奢泰也孟子曰

非其道則不簞食不可受於人如其道則舜

受堯之天下不以爲泰子以爲泰乎

簞筭也非以其

道一筭之食不可受也子

以舜受堯天下爲泰乎曰否士無事而食

不可也

彭更曰不以舜爲泰也謂仕無功事而虛食人者不可也

曰子不

通功易事以羨補不足則農有餘粟女有餘

布子如之通則梓匠輪輿皆得食於子

孟子言凡

人當通功易事乃可各以奉其用梓匠木工也輪人輿人作車者交易則得食於子之所

有矣周禮攻木之工七梓匠輪輿是其四者羨餘也於此有人焉入則

孝出則悌守先主之道以待後之學者而不

得食於子子何尊梓匠輪輿而輕爲仁義者

哉

入則事親孝出則敬長順也悌順也守先王之道上德之士可以化俗者若此不得

食子之祿子何尊彼而賤此也曰梓匠輪輿其志將以求食

也君子之爲道也其志將以求食與

彭更以爲彼志

於食此亦但志食也

曰子何以其志爲哉其有功於子

可食而食之矣且子食志乎食功乎

孟子言祿以食

功子何 食身 曰食志 彭更以為當食志也 曰有人於此毀瓦

畫墁其志將以求食也則子食之乎 孟子言人但破

碎瓦畫地則復墁滅之此無用之為也然而其意反欲求食則可食乎 曰否 彭

曰不食也 曰然則子非食志也食功也 孟子曰如是子果食

功也○章指言百工食力以祿養賢脩仁尚義國之所尊移風易俗其功可珍雖食諸侯

不為素餐 萬章問曰宋小國也今將行王政齊楚

惡而伐之則如之何 問宋當如齊楚何也 孟子曰湯居

亳與葛為鄰葛伯放而不祀湯使人問之曰

何為不祀曰無以供犧牲也湯使遺之牛羊

葛伯食之又不以祀 葛夏諸侯羸姓之國放縱無道不祀先祖 湯

又使人問之曰何為不祀曰無以供粢盛也

湯使亳眾往為之耕老弱饋食葛伯率其民

要其有酒食黍稻者奪之不授者殺之有童

子以黍肉餉殺而奪之書曰葛伯仇餉此之

謂也

童子未成人殺之尤無狀書尚書逸篇也仇怨也言湯所以伐殺葛伯然其害

此餉也

為其殺是童子而征之四海之內皆曰

非富天下也為匹夫匹婦復讎也

四海之民皆曰湯不

貪天下富也為一夫報仇也

湯始征自葛載十一征而無

敵於天下東面而征西夷怨南面而征北狄

怨曰奚為後我民之望之若大旱之望雨也

歸市者弗止芸者不變誅其君吊其民如時

雨降民大悅書曰後我后后來其無罰

載始也言

湯初征從葛始也十一征而服天下一說言當作再字再十一者湯再出征十一國再十

一凡征二十二國也書逸篇也民曰待我君來我則無罰矣歸市不止不以有軍來征故

市者止不行也不使芸者變休也

有彼不惟臣東征綏厥士

女匪厥玄黃紹我周主見休惟臣附于大邑

周其君子實玄黃于匪以迎其君子其小人

單食壺漿以迎其小人救民於水火之中取

其殘而已矣

從有攸以下道周武王伐紂時也皆尚書逸篇之文攸所也言

武王東征安天下士女小人各有所執往無不惟念執臣子之節匪厥五黃謂諸侯執玄

三纁二之帛願見周王望見休善使我得附就大邑周家也其君子小人各有所執以迎

其類也言武王之師救殷民於水火之中討其殘賊也 大誓曰我武惟

揚子侵于之疆則取于殘殺伐用張于湯有光

太誓古尚書百二十篇之時太誓也我武王用武之時惟鷹揚也侵于之疆侵紂之疆界

則取于殘賊者以張伐殺之功也民有簞食壺漿之歡比於湯伐桀為有光寵美武王德

優前代也今之尚書太誓篇後得以充學故不與古太誓同諸傳記引太誓皆古太誓也

不行王政云爾苟行王政四海之內皆舉首

而望之欲以為君齊楚雖大何畏焉 萬章憂宋迫於

齊楚不得行行政故孟子為陳殷湯周武之事以喻之誠能行之天下思以為君何畏齊楚

焉○章指言脩德無小暴慢無強是故夏商之末民思湯武雖欲不王未由也已 益

子謂戴不勝曰子欲子之王之善與我明告

子 不勝 有楚大夫於此欲其子之齊語也則

使齊人傳諸使楚人傳諸

孟子假喻有楚大夫在此欲變其子

使學齊言當使齊人傳之邪使楚人自傳相之邪

曰使齊人傳之

不勝

齊人曰一齊人傳之衆楚人咻之雖日撻而

求其齊也不可得矣引而置之莊嶽之間數

年雖日撻而求其楚亦不可得矣

言使一齊人傳相楚

衆人咻之咻之者謹也如此雖日撻之欲使齊言不可得矣言寡不勝衆也莊嶽齊街里

名也多人處之數年而自齊也子謂薛居州善士也使使之居

於王所在於王所者長幼卑尊皆薛居州也

王誰與為不善

孟子曰不勝常言居州宋之善士也欲使居於王所如使

在王所者小大皆如居州則王誰與為不善也在王所者長幼卑尊

皆非薛居州也王誰與為善一薛居州獨如

宋主何

如使在王左右者皆非居州之疇王當誰與為善乎一薛居州獨如宋王

何而能化之也周之末世列國皆潛号自稱王故曰宋王也○章指言自非聖人在所變化故諺曰白沙在涅不染自黑蓬生麻中不扶自直言輔之者衆也公孫亓問

曰不見諸侯何義

丑怪孟子不肯每報應諸侯之聘不見之於義謂何

也孟子曰古者不為臣不見

古者不為臣不肯見不義而富

且貴者也

段干木踰垣而辟之泄柳閉門而不內

是皆已甚迫斯可以見矣

孟子言魏文侯魯繆公有好義之心

而此二人距之太甚迫窄則可以見之

陽貨欲見孔子而惡無

禮大夫有賜於士不得受於其家則往弇其

門

陽貨魯大夫也孔子士也

陽貨闚孔子之亡也而饋孔

子蒸豚孔子亦闚其亡也而往弇之當是時

陽貨先豈得不見

闚視也陽貨視孔子亡而饋之者欲使孔子來弇恐

其便弇弇使人也孔子闚其亡者心不欲見陽貨也論語曰饋孔子豚孟子曰蒸豚豚非

大牲故用熟饋也是時陽貨先加禮豈得不往弇見之哉

曾子曰脅肩諂

笑病于夏畦

脅肩竦體也諂笑強笑也病極也言其意苦勞極甚於仲夏之

月治畦灌園之勤也

子路曰未同而言觀其色赧赧然

非由之所知也

未同志未合也不可與言而與之言謂之失言也觀其色

赧赧然面赤心不正貌也由子路名子路剛故直曰非由所知也由是觀之

則君子之所養可知已矣孟子言由是觀曾子子路之言以觀

君子之所養志可知矣謂君子養正氣不以入邪也○章指言道異不謀迫斯強之段泄

已甚矚亡得宜正戴盈之曰什一去關市之

征今茲未能請輕之以待來年然後已何如

戴盈之宋大夫問孟子欲使君去關市征稅復古行什一之賦今年未能盡去且使輕之

待來年然後復古何如孟子曰今有人日攘其鄰之雞

者或告之曰是非君子之道曰請損之月攘

一雞以待來年然後已如知其非義斯速已

矣何待來年攘取也取自來之物也孟子以此為喻知攘之惡當即止何可

損少月取一雞待來年乃止乎謂盈之之言若此類者也○章指言從善改非坐而待且

知而為之罪重於故譬猶攘雞多公都子曰

外人皆稱夫子好辯敢問何也公都子孟子弟子也外人

他人論譏者也好辯言子好與楊墨之徒辯爭孟子曰予豈好辯哉

予不得已也

曰我不得已耳欲校正道懼為邪說所亂故辯之也

天下

之生久矣一治一亂當堯之時水逆行氾濫

於中國蛇龍居之民無所定下者為巢上者

為營窟

天下之生生民以來也迭有亂治非一世水生蛇龍水盛則蛇龍居民之

地也民患水避之故無定居埤下者於樹上為巢猶鳥之巢也上者高原之上也鑿岸而

營度之以為窟穴而處之

書曰洚水警余洚水者洪水也

尚書逸篇也水逆行洚洞無崖故曰洚水洪大也

使禹治之禹掘地

而注之海驅蛇龍而放之菹水由地中行江

淮河漢是也險阻既遠鳥獸之害人者消然

後人得平土而居之

堯使禹治洪水通九洲故曰掘地而注之海也

菹澤生草者也今青洲謂澤有草者為菹水流行於地而去之民人下高就平土故遠險阻也水去故鳥獸害人者消盡也堯舜既沒聖人之道衰暴

君代作壞宮室以為汙池民無所安息棄田

以為園囿使民不得衣食邪說暴行又作園

囿汙池沛澤多而禽獸至

暴亂也亂君更興殘壞民室屋以其

處為汙池棄五穀之田以為園囿長逸遊而棄本業使民不得衣食有飢寒並至之厄其小人則放辟邪侈故作詐偽之說為姦寇之行沛草木之所生也澤水也至眾也田疇不墾故禽獸眾多及紂之身天下又大亂周公

謂羿桀之時也相武王誅紂伐奄三年討其居驅飛廉於海

君

隅而戮之滅國者五十驅虎豹犀象而遠之

天下大悅

奄東方無道國武王伐紂至於孟津還歸二年復伐前後三年也飛

庶紂使臣驅之海隅而戮之猶舜放四罪也滅與紂共為亂政者五十國也奄大國故特

伐之尚書多方書曰丕顯哉文王謨丕承哉

武王烈佐啟我後人咸以正無缺

書尚書逸篇也不大

顯明承纘烈光也言文王大顯明王道武王大纘承天光烈佐開後人謂成康皆行正道無虧缺也此周公輔相以撥亂之功也世衰道微邪說暴行有

作臣弑其君者有之子弑其父者有之孔子

懼作春秋春秋天子之事也是故孔子曰知

我者其惟春秋乎罪我者其惟春秋乎

世衰道微

周衰之時也孔子懼王道遂滅故作春秋因魯史記設素王之法謂天子之事也知我者謂我正王綱也罪我者謂時人見憚貶者言孔子以春秋撥亂也 聖主不作

諸侯放恣處士橫議揚朱墨翟之言盈天下

天下之言不歸楊則歸墨揚氏為我是無君

也墨氏兼愛是無父也無父無君是禽獸也

言孔子之後聖王之道不興戰國縱橫布衣處士游說以干諸侯若揚墨之徒無尊卑君

父之義而以 公明儀曰庖有肥肉廄有肥馬

民有飢色野有餓莩此率禽獸而食人也

儀魯賢人言人君但崇庖厨養犬馬不恤民是為率禽獸而食人也 揚墨之道

不息孔子之道不著是邪說誣民充塞仁義

也仁義充塞則率獸食人入將相食

言仁義相食此亂之甚也 吾為此懼閑先聖之道距

揚墨放淫辭邪說者不得作

閑習也揚放也孟子言我懼聖

人之道不著為邪說所乘作於其心害於其

故習聖人之道以距之事作於其事害於其政聖人復起不易吾言

矣說與上篇同昔者禹抑洪水而天下平周公兼

夷狄驅猛獸而百姓寧孔子成春秋而亂臣

賊子懼抑治也周公兼懷夷狄之人驅害人

也責詩云戎狄是膺荆舒是懲則莫敢承此說已見

上篇無父無君是周公所膺也是周公所欲伐擊也我

亦欲正人心息邪說距詖行放淫辭以承三

聖者豈好辯哉予不得已也孟子言我亦欲

之行以奉禹周公孔子也不能言距楊墨者

得已而與人辯耳豈好之哉聖人之徒也

孟子自謂能距楊墨也徒黨也

○章指云夫憂世撥亂勤以濟之義以臣之

是故禹稷駉躡周公抑志仲尼皇皇墨突不
及汙聖賢若是匡章曰陳仲子豈不誠廢士
豈得不辯也哉居於陵三日不食耳無聞目無見也井上

有李蠶食實者過半矣。匍匐往將食之。三咽

然後耳有聞，目有見。臣章齊人也。陳仲子齊一介之士，窮不苟求者。

是以絕糧而餓也。蠶蟲也。李實有蟲食之，過半言仲子自不能擇也。孟子曰：於

齊國之士，吾必以仲子為巨擘焉。雖然，仲子

惡能廉？充仲子之操，則蚓而後可者也。夫蚓

上食槁壤，下飲黃泉。巨擘大指也。比於齊國之士，吾必以仲子為指

中大者耳，非大器也。蚓丘蚓之蟲也，充滿其操行似蚓而可行者也。蚓食土飲泉極廉矣。

然無心無識，仲子不知仁義，苟守一介亦猶蚓也。仲子所居之室，伯

夷之所築，與抑亦盜跖之所築，與所食之粟

伯夷之所樹，與抑亦盜跖之所樹，與是未可

知也。孟子問臣章：仲子豈能必使伯夷之徒築室樹粟，乃君食之邪？抑亦得盜跖之

徒使作也。是殆未可知也。曰：是何傷哉！彼身織屨，妻辟纊

以易之也。臣章曰：惡人作之，何傷哉！彼仲子身自織屨，妻緝纊，以易食宅耳。緝

績其麻，日辟練麻，日纊。曰：仲子齊之世家也。兄戴蓋祿

萬鍾以兄之祿為不義之祿而不食也以兄之室為不義之室而不居也避兄離母處於

於陵孟子言仲子齊之世卿大夫之家兄名戴為齊卿食采於蓋祿萬鍾仲子以為

事非其君行非其道以居富貴故不義之竄於於陵他日歸則有饋其

兄生馘者已頻顙曰惡用是顰顰者為哉他日

異日也歸省其母見兄受人之馘而非之已仲子也頻顙不悅曰安用是顰顰者為乎顰

之聲顰顰鳴他日其母殺是馘也與之食之妻兄

自外至曰是顰顰之肉也出而哇之以母則

不食以妻則食之以兄之室則弗居以於陵

則居之是尚為能充其類也乎若仲子者蚓

而後充其操者也異日母食以馘不知是前所頻顙者也兄疾之告曰

是顰顰之肉也仲子出門而哇吐之孟子非其不食於母而食妻所作履纒易食也不居

兄室而居於於陵人所築室也是尚能充人類乎如蚓之性然後可以充其操也○章指

言聖人之道親親尚和志士之操耿介特立可以激濁不可常法是以孟子喻以立蚓比

諸巨
譬也

其不...

其不...

其不...

其不...

孟子卷第六

...

孟子卷第七

離婁章句上

凡二十八章

離婁乃古之明目者蓋以為黃帝時人也
黃帝亡其玄珠使離朱索之離朱即離婁
也能視於百步之外見秋豪之末然必須
規矩乃成方負猶論語述而不作信而好

古故以
題篇

孟子曰離婁之明公輸子之巧不以規矩不

能成方負

公輸子魯斑魯之巧人也或以為
魯昭公之子雖天下至巧亦猶須

規矩也。師曠之聰，不以六律不能正五音。師曠晉平

公之樂大師也。其聽至聰，不用六律不能正五音。六律，陽律太簇、姑洗、蕤賓、夷則、無射、黃

鍾也。五音，宮商、角、徵、羽也。堯舜之道，不以仁政不能平治。

天下當行仁恩之政。今有仁心仁聞而民不

被其澤，不可法於後世者，不行先王之道也。

仁心性仁也。仁聞，仁聲遠聞也。雖然，猶須行先王之道，使百姓被澤，乃可為後法也。故

曰：徒善不足以為政，徒法不能以自行。但有善心

而不行之不足以為政，但有善法度而不施之法度亦不能獨自行也。詩云：不

懲不忘，率由舊章。遵先王之法而過者，未之

有也。詩大雅嘉樂之篇，愆過也。所行不過差矣，不可忘者，以其循用舊故，文章遵用

先王之法度。聖人既竭目力焉，繼之以規矩

準繩，以為方。負平直不可勝用也。盡已目力，續以四者

方，負平直可得而知審。既竭耳力焉，繼之以

六律，正五音，不可勝用也。音須律而正也。既竭心思

焉繼之以不忍入之政而仁覆天下矣

盡心欲行

思繼以不忍加惡於人之政則天下被覆衣之仁也

故曰為高必因

陵為下必因川澤為政不因先王之道可謂

智乎

言因自然則用力少而成功多矣

是以惟仁者宜在高

位不仁而在高位是播其惡於眾也

仁者能由先王

之道不仁逆道則自播揚其惡於眾人也

上無道揆也下無法守

也朝不信道工不信度君子犯義小人犯刑

國之所存者幸也

言君無道術可以撥度天意臣無法度可以守職奉

命朝廷之士不信道德百工之作不信度量君子觸義之所禁謂學士當行君子之道也

小人觸刑愚人竊於密罔也此亡國之政然而國存者僥倖耳非其道也

故曰城

郭不完兵甲不多非國之災也田野不辟貨

財不聚非國之害也上無禮下無學賊民興

喪無日矣

言君不知禮臣不學法度無以相檢制則賊民興亡在朝夕無復有

期日言國無禮義必亡

詩云天之方蹶無然泄泄泄泄

猶沓沓也。事君無義，進退無禮，言則非，先主

之道者，猶沓沓也。詩大雅極之篇，天謂王者

沓沓，但為非義，非禮皆棄。先王之道而不相匡正也。故曰：責難於君，謂

之恭，陳善閉邪，謂之敬。吾君不能謂之賊，人

之道當進君於善，責難為之事，使君勉之，謂

行堯舜之仁，是為恭。臣陳善法以禁閉君之

邪心，是為敬。君言吾君不肖，不能行善，因不

諫正，此為賊其君也。○章指言雖有巧智，猶

須法度，因由先王禮義為要。不仁在位，播越

其惡，誣君不諫，故謂之賊。明上下相須而道

化行也。孟子曰：規矩方員之至也。聖人，人倫之

至也。至極也。人事之善者莫大取欲為君盡

君道，欲為臣盡臣道，二者皆法堯舜而已矣。

堯舜之為君臣道備不以舜之所以事堯，事君不敬其

君者也。不以堯之所以治民，治民賊其民者

也。言舜之事堯敬之至也。堯之治民愛之盡也。孔子曰：道二，仁與

身危國削名之曰幽厲雖孝子慈孫百世不

能改也仁則國安不仁則國危亡甚謂桀紂

不其謂幽厲厲王流于彘幽王滅於戲可謂身危國削矣名之謂謚之也謚以幽厲以章其惡百世傳之孝子慈孫何能改也

詩云殷鑒不遠在夏右之世此之謂也謂大雅蕩

之篇也殷之所鑒視近在夏治之世耳以前代善惡為明鏡也欲使周亦鑒於殷之所以

亡也○章指言法則堯舜以為規矩鑿戒紂紂避遠危殆名謚一定千載而不可改也

孟子曰三代之得天下也以仁其失天下也

以不仁國之所以廢興存亡者亦然三代夏殷周國

謂公侯之國存亡在仁與不仁也天子不仁不保四海諸侯

不仁不保社稷卿大夫不仁不保宗廟士庶

人不仁不保四體今惡死亡而樂不仁是由

惡醉而強酒保安也四體身之四肢強酒則必醉也○指章言人所以安莫

若為仁惡而弗去患必及身自上達下其道一焉孟子曰愛人不親

反其仁治人不治反其智禮人不答反其敬

行有不得者皆友求諸己其身正而天下歸

之反其仁已仁猶未至邦反其智已智猶未足邪反其敬已敬猶未恭邪反求諸身身

已正則天下歸就之服其德也詩云求言配命自求多福此

已見上篇其義同○章指言行有不得於人一求諸身責已之道也改行飭躬福則至矣

孟子曰人有恒言皆曰天下國家恒常也人之常語也

天下謂天子之所主國謂諸侯之國家謂卿大夫之家也天下之本在國

國之本在家家之本在身治天下者不得良諸侯無以爲本治

其國者不得良卿大夫無以爲本治其家者不得良身無以爲本也○章指言天下國家

各依其本本正則立本傾則蹠維曰常言必須敬慎也孟子曰爲政不

難不得罪於巨室巨室大家也謂賢卿大夫之家人所則效者言不難

者但不使巨室罪之則善也巨室之所慕一國慕之一國

之所慕天下慕之故沛然德教溢乎四海慕

也賢卿大夫一國思隨其所善惡一國思其善政則天下思以爲君矣沛然大洽德教可

以滿溢於四海之內○章指言天下傾心思慕嚮善巨室不罪咸以爲表德之流行可以

充四也。孟子曰：天下有道，小德役大德，小賢役

大賢，天下無道，小役大，弱役強，斯二者，天也。

順天者存，逆天者亡。有道之世，小德小賢樂為大德大賢役服於賢。

德也。無道之時，小國弱國畏懼而役於大國。強國也。此二者，天時所遭也。當順從之，不當

也。齊景公曰：既不能令，又不受命，是絕物也。

涕出而女於吳。齊景公齊侯景謚也。言諸侯既不能令，告鄰國使之進退

又不能事大國，往受教命，是所以自絕於物。物事也大國不與之通，朝聘之事也。吳蠻夷

也。時為強國，故齊侯畏而耻之。泣涕而與為婚。今也小國師大國而

耻受命焉，是猶弟子而耻受命於先師也。小

國以大國為師，學法度焉，而耻受命，教不從其進退，譬猶弟子不從師也。如耻之

莫若師文王。師文王，大國五年，小國七年，必

為政於天下矣。文王行仁政，以移殷民之心，使皆就之。今師效文王，大國

不過五年，小國七年，必得政於天下矣。文王時難，故百年乃治。今之時易，文王由百里起

今大國乃踰千里，過之十倍有餘，故詩云：商

之孫子其麗不億上帝既命侯于周服侯服

于周天命靡常殷士膚敏裸將于京詩大雅文王篇

麗億數也言殷帝之子孫其數雖不但億萬人天既命之惟服於周殷之美士執裸鬯之禮將事於京師若微子者膚大敏達也此天命之無常也孔子曰仁不可

為衆也夫國君好仁天下無敵孔子云行仁者天下之衆

不能當也諸侯有好仁者天下無敢與之為敵今也欲無敵於天下

而不以仁是猶執熱而不以濯也詩云誰能

執熱逝不以濯詩大雅桑柔之篇誰能持熱而不以水濯其手喻為國誰

能違仁而無敵也○章指言遭衰逢亂屈服強大據國行仁天下莫敵雖有億衆無德不親執熱須濯明孟子曰不仁者可與言哉安

其危而利其蓄樂其所以亡者不仁而可與

言則何亡國敗家之有言不仁之人以其所以為危者反以為安

必以惡見亡而樂行其惡如使其能從諫有從善可與言議則天下何有亡國敗家也

孺子歌曰滄浪之水清兮可以濯我纓滄浪

水濁兮可以濯我足

滄浪之水濁兮可以濯我足

滄浪之水濁兮可以濯我足

之水濁兮可以濯我足孔子曰小子聽之清

斯濯纓濁斯濯足矣自取之也孺子童子也小子孔子弟

子也清濯所用尊卑若此自取之喻人善惡見尊賤乃如此夫人必自侮

然後人侮之家必自毀而後人毀之國必自

伐而後人伐之人先自為可侮慢之行故見侮慢也家先自為可毀壞之

道故見毀也國先自為可誅伐之政故見伐也太甲曰天作孽猶可

違違自作孽不可活此之謂也已見上篇說同也○章指言人

之安危皆由於已先自毀伐人乃攻討甚於天孽敬慎而已如臨深淵戰戰恐栗也孟

子曰桀紂之失天下也失其民也失其民者

失其心也失其民之心則天下畔之簞食壺漿以迎武王之師是也得天

下有道得其民斯得天下矣得其民有道得

其心斯得民矣得其心有道所欲與之聚之

所惡勿施爾也欲得民心聚其所欲而與之爾近也勿施行其所惡使民

近則民心可得矣民之歸仁也猶水之就下獸之走

壙也故為淵魚者獺也為叢毆爵者鸕也

為湯武毆民者桀與紂也今天下之君有好

仁者則諸侯皆為之毆矣雖欲無王不可得

已民之思明君猶水樂埤下歌樂壙野毆之則歸其所樂獺獮也鸕土鸕也故云諸侯

好為仁者毆民若此也湯武行之矣如有則之者雖欲不王不可得也今之欲

王者猶七年之病求三年之艾也苟為不畜

終身不得苟不志於仁終身憂辱以陷於死

亡今之諸侯欲行王道而不積其德如至七

三年時不畜藏之至七年而欲卒求之何可

得乎艾可以為灸人病乾久益善故以為喻

志仁者亦久行之不行之則詩云其何能淑

憂辱以陷死亡士桀紂是也詩云其何能淑

載胥及溺此之謂也詩大雅桑柔之篇淑善也載辭也胥相也刺時

君臣何能為善乎但相與為沈溺之道也○
章指言水性趨下民樂歸仁桀紂之賦就
其君三年之艾蓄而可得一時孟子曰自暴
欲仁猶將沈溺所以明鑒戒也
者不可與有言也自棄者不可與有為也言

非禮義謂之自暴也。吾身不能居仁由義謂

之自棄也。言人尚自暴自棄何可與有言有為仁人之安宅也。

義人之正路也。曠安宅而弗居，舍正路而不

由，哀哉。曠空舍縱哀傷也。弗由居是者是可哀傷哉。○章指言曠仁舍義自暴棄

之道。孟子曰：道在邇而求諸遠，事在易而求

之難，人人親其親長其長而天下平。邇近也。道在近

而患人求之遠也。事在易而苦人求之難也。謂不親其親不事其長故其事遠而難也。○

章指言親親敬長近取諸已則邇而易也。孟子曰：居下位而不獲

於上，民不可得而治也。獲於上有道，不信於

友，弗獲於上矣。信於友，有道，事親，弗悅，弗信

於友矣。悅親，有道，反身不誠，不悅於親矣。誠

身，有道，不明乎善，不誠其身矣。言人求上之意先從已始

本之於心，心不正而得人意者未之有也。是故誠者，天之道也。思

誠者，人之道也。至誠而不動者，未之有也。不

誠未有能動者也

授人誠善之性者天也故曰天道思行其誠以奉天

者人道也至誠則動金石不誠則鳥獸不可親狎故曰未有能動者也○章指言事上得君乃可臨民信友悅親本在於身是孟子曰

伯夷辟紂居北海之濱聞文王作興曰盍歸

乎來吾聞西伯善養老者

伯夷讓國遭紂之世辟之隱遁北海

之濱聞文王起興王太公辟紂居東海之濱

道盍歸乎來歸周也聞文王作興曰盍歸乎來吾聞西伯善養老

者

太公呂望也亦辟紂世隱居東海曰聞西伯養老二人皆老矣往歸文王也

二

老者天下之太老也而歸之是天下之父歸

之也天下之父歸之其子焉往

此二老猶天下之父也其

餘皆天下之子有子當隨父二諸侯有行文

王之政者七年之內必為政於天下矣

今之諸侯

如有能行文王之政者七年之間必足以為政矣天以七紀故七年文王時難故久衰周時易故速也上章言大國五年者大國地廣人眾易以行善故五年足以治也○章指言

養老尊賢國之上務文王勤之二老遠至父
來子從天之順道七年為政以勉諸侯欲使
庶幾於行善也。孟子曰求也為季氏宰無能改於其

德而賦粟倍他日孔子曰求非我徒也小子

鳴鼓而攻之可也求孔子弟子冉求季氏魯卿季康子宰家臣小子弟

子也孔子以冉求不能改季氏使從善為之
多斂賦粟故欲使弟子鳴鼓以聲其罪而攻

伐責讓之曰求由此觀之君不行仁政而富
非我徒疾之也

之皆棄於孔子者也況於為之強戰爭地以

戰殺入盈野爭城以戰殺人盈城此所謂率

土地而食人肉罪不容於死孔子棄富不仁之君者況於爭

城爭地而殺人滿野乎此若率土地使食人肉也言其罪大死刑不足以容之故善

戰者服上刑連諸侯者次之辟草萊任土地

者次之孟子言天道重生戰者殺人故使善戰者服上刑上刑重刑也連諸侯合

從者也罪次善戰者辟草任地不務脩德而
富國者罪次合從連橫之人也○章指言聚

斂富君棄於孔子冉求行之固聞鳴鼓以戰
殺民土食人肉罪不容死以為大戮重人命

也之至。孟子曰存乎人者莫良於眸子眸子不

能奄其惡眸子目瞳子也存人曾中正則眸

子瞭焉曾中不正則眸子眊焉瞭明也眊者

貌之聽其言也觀其眸子人焉廋哉廋匿也聽

正視端人情可見安可匿哉○章指言目為

神候精之所在存而察之善惡不隱知人之

道斯為審矣。孟子曰恭者不侮人儉者不奪人侮

奪人之君惟恐不順焉惡得為恭儉

慢人為廉儉者不奪取人有好侮奪人之君

有貪陵之性恐人不順從其所欲安得為恭

儉之行也恭儉豈可以聲音笑貌為哉恭儉之人

自取其名豈可以和聲諂笑之貌強為之哉

○章指其言人君恭儉率下移風人臣恭儉

明其廉忠侮奪之惡。淳于髡曰男女授受不

親禮與淳于髡齊人也問孟子曰禮也禮不

曰嫂溺則援之以手乎髡曰見嫂溺水則當

曰嫂溺不援是豺狼也孟子曰人見嫂溺不

也 男女授受不親禮也嫂溺援之以手者權

也 孟子告髡曰此權也 曰今天下溺矣夫子

之不援何也 髡曰今天下之道溺矣夫子何不援之 曰天下溺

援之以道嫂溺援之以手予欲以手援天下

乎 孟子曰當以道援天下而道不得行予欲使我以手援天下乎 ○章指言權時之義

嫂溺援手君子大行 拯世以道道之指也 公孫丑曰君子之不教

予何也 問父子不親教何也 孟子曰勢不行也教者必

以正以正不行繼之以怒繼之以怒則反夷

矣夫子教我以正夫子未出於正也則是父

子相夷也父子相夷則惡矣 父親教子其勢不行教以正道

而不能行則責怒之夷傷也父子相責怒則傷義矣一說曰父子反自相非若夷狄也子

之心責其父云夫子教我以正道而夫子之身未必自行正道也執此意則為反夷矣故

曰惡 也 古者易子而教之父子之間不責善責

善則離離則不祥莫大焉 易子而教不欲自責以善也父子主

恩離則不祥莫大焉。○章指言父子至親相責離恩易子而教相成以仁教之義也。孟

子曰事孰為天，事親為天，守孰為天，守身為

天，不失其身而能事其親者，吾聞之矣。失其

身而能事其親者，吾未之聞也。事親養親也，守身使不陷

於不義也。夫不義則何能事父母乎。孰不為事，事親事之本也。

孰不為守，守身守之本也。先本後末，事守乃立也。曾子

養曾皙，必有酒肉。時徹，必請。所與問有餘，必

曰：『有。』曾皙死，曾元養曾子，必有酒肉。將徹，不

請，所與問有餘，曰：『亡矣！將以復進也。』此所謂

養口體者也。若曾子，則可謂養志也。事親若

曾子者，可也。將徹請所與問，曾皙所欲與子孫所愛者也。必曰：『有。』恐違親意。

也。故曰：『養志。』曾元曰：『無欲以復進。』曾子也不求親意，故曰：『養口體也。』事親之道，當如曾子

之法，乃為至孝也。○章指言上孝養志，下孝養體。曾參事親，可謂至矣。孟子言之欲令後

人則曾子也。孟子曰：『人不足與適也，政不足與間』

也惟大人為能格君心之非適過也詩云室人交徧謫我聞

非格正也時皆小人居位不足過責也政教不足復非說獨得大人為輔臣乃能正君之

非法君仁莫不仁君義莫不義君正莫不正度也

一正君而國定矣正君之身一國定矣使大人正之○章指言小人

為政不足問非賢臣正君使握道機君正國定下不邪後將何問也孟子曰有

不虞之譽有求全之毀虞度也言人之行有不得者若尾生本與婦人期於梁下不度水之

卒至遂至沒溺而獲守信之譽求全之毀若

陳不瞻將赴君難聞金鼓之聲失氣而死可謂欲求全其節而反有怯弱之毀者也○章

指言不虞獲譽不可為戒求全受毀

未足懲咎君子正行不由斯二者也孟子曰

人之易其言也無責耳矣人之輕易其言不得失言之咎責也

一說人之輕易不肯諫正君者以其不在言責之位者也○章指言言出於身聊不及舌

不惟其責則易之矣孟子曰人之患在好為人師人之所患

患於不知已未可有師而好為人師者感也○章指言君子好謀而成臨事而懼時然後

言畏失言也故曰師哉師哉樂正子從於子

敖之齊樂正子見孟子魯人樂正克孟子弟子也從於齊之右師

子敖子敖使而之魯樂正子隨之來孟子曰之齊也孟子在齊樂正子見之也

子亦來見我乎孟子見其來見遲故云亦來也曰先生何為

出此言也樂正子曰先生何為非克而出此言曰子來幾日矣

孟子問子曰昔者克曰昔者來至昔者來來幾日乎曰昔者

者則我出此言也不亦宜乎孟子曰昔者來至而今乃來我

出此言亦其宜也孟子重愛樂正子欲亟見之思深望重也曰舍館未定

克曰所止舍館未定故不即來也館客舍曰子聞之也舍館定然

後求見長者乎孟子曰子聞見長者之禮當須舍館定乃見之乎曰

克有罪樂正子謝過服罪也○章指言尊師重道敬賢事長人之大綱樂正子好

善故孟子譏之責賢者備也○孟子謂樂正子曰子之從於

子敖來徒鋪啜也我不意子學古之道而以

鋪啜也子敖齊之貴人右師王驩也學而不行其道徒食飲而已謂之鋪啜也樂

正子本學古聖人之道而今隨從人貴無所匡正故言不意子但鋪啜也○章指言學優

則仕仕以行道否則隱逸免置窮處舖啜
沈浮君子不與是以孟子咨嗟樂正子也。孟

子曰不孝有三無後為天於禮有不孝者三
事謂阿意曲從陷

親不義一不孝也家貧親老不為祿仕二不
孝也不娶無子絕先祖祀三不孝也三者之

中無後為大舜不告而娶為無後也君子以為猶

告也舜懼無後故不告而娶君子知舜告焉
不得而娶娶而告父母禮也舜不以告

權也故曰猶告與告同也○章指言量其輕
重無後不可是以大舜受堯二女夫三不孝

蔽者所聞至於大聖卓然匪親所以垂法也
孟子曰仁之實事親

是也義之實從兄是也智之實知斯二者弗

去是也事皆有實事親從兄仁義之實也知
仁義所用而不去之則智之實也

禮之實節文斯二者是也樂之實樂斯二者

禮樂之實節文事親從兄使不失其樂則生
節而文其禮敬之容而中心樂之也

矣生則惡可已也惡可已則不知足之蹈之

手之舞之樂此事親從兄出於中心則樂生
其中矣樂生之至安可已也豈能

自覺足蹈節手舞曲哉○章指言仁義之本
在於孝弟孝弟之至通於神明況於歌舞不

能自知蓋有諸中形於外也。孟子曰天下大悅而將歸已

視天下悅而歸已猶草芥也。惟舜為然。舜不以天

下將歸已為樂號泣于天不得乎親不可以為久不順乎

親不可以為子舜盡事親之道而瞽瞍底豫

瞽瞍底豫而天下化瞽瞍底豫而天下之為

父子者定此之謂大孝。舜以不順親意為非人子底致也豫樂也

瞽瞍頑父也盡其孝道而頑父致樂使天下化之為父子之道者定也。○章指言以天下

之貴富為不若得意於親故能懷協頑嚚氏
豫而欣天下化之父子加親故稱盛德者必
百世祀無與比崇也

孟子卷第七

*孟子曰舜生於諸馮遷於負夏死於鳴條東
天之人也
之貴富曰東文王生於岐周卒於畢郢西與
之人也*

孟子卷第八 孟子曰天下大器也

惟天下悅而歸已猶直物也

惟天下悅而歸已猶直物也

不可以為守身事親之道

而天下之為

與此類也

然則天不外父父子而

孟子卷第八

離婁章句下

凡三十三章

孟子曰舜生於諸馮遷於負夏卒於鳴條東

夷之人也

生始卒終記終始也諸馮負夏鳴條皆地名負負海也在東方夷服

之地故曰東夷之人也

文王生於岐周卒於畢郢西夷

之人也

岐周畢郢地名也岐山下周之舊邑近畎夷畎夷在西故曰夷之人也書

曰太子發上祭于畢下至于地之相去也千

有餘里世之相後也千有餘歲得志行乎中

國若谷符節先聖後聖其揆一也土地相去千有餘里

千里以外也舜至文王千二百歲得志行政於中國謂王也如合符節節玉節也周禮有

六節揆度也言聖人之度量同也○章指言聖人殊世而合其道地雖不比由通一軌故

可以為百王法也子產聽鄭國之政以其乘輿濟人

於溱洧子產鄭卿為政聽訟也溱洧水名見人有冬涉者仁心不忍以其乘車渡

之也孟子曰惠而不知為政歲十一月徒杠成

十二月輿梁成民未病涉也以為子產有惠民之心而不知

為政當以時脩橋梁民何由病苦涉水乎周十一月夏九月可以成涉渡之功周十二月

夏十月可以成輿梁也君子平其政行辟入可也焉得

人人而濟之故為政者每入而悅之日亦不

足矣君子為國家平治政事刑法使無違失其道辟除人使卑辟尊可為也安得人

人濟渡於水乎每人輒欲自加恩以悅其意則日力不足以足之也○章指言重民之道

半政為首人君由天天不家撫○孟子告齊是故子產人孟子不取也

宣主曰君之視臣如手足則臣視君如腹心

君之視臣如犬馬則臣視君如國人君之視

臣如土芥則君視君如寇讎君恩以為差等

其心所執王曰禮為舊君有服何如斯可為

服矣宣王問禮舊臣為舊君服喪曰諫行言

聽膏澤下於民有故而去則君使人導之出

疆又先於其所往去三年不反然後收其由

此之謂三有禮焉如此則為之服矣為臣之時諫行

言從德澤加民若有他故不得不行譬如華元奔晉隨會奔秦是也古之賢君遭此則使

人導之出境又先至其所到之國言其賢良三年不反乃牧其田萊及里居也此三者有

禮則為之服矣今也為臣諫則不行言則不聽膏澤

不下於民有故而去則君搏執之又極之於

其所往去之日遂收其田里此之謂寇讎寇

讎何服之有搏執其族親也極者惡而困之也遇臣若寇讎何服之有乎○

章指言君臣之道以義為表以恩為裏表裏相應猶若影響舊君之服蓋有所興風諭宣王勸以仁也

○孟子曰無罪而殺士則大夫可以去無罪而戮民則士可以徒惡傷其類視其下等懼次及也

語曰鳶鵲蒙害仁鳥增逝此之謂也○章指言君子見幾而作故趙殺鳴犢孔子臨河而不濟也 ○孟子曰君仁莫不仁君義莫不義君者

一國所瞻仰以為法故必從之○章指言君以仁義率眾孰不順焉上為下效也 ○

孟子曰非禮之禮非義之義大人弗為若禮而非

禮陳質娶婦而長拜之也若義而非義藉交報仇是也此皆大人所不為也○章指言禮義人之所以折中履其正者乃可為中是以大人不行觀禮 ○孟子曰中

也養不中才也養不才故人樂有賢父兄也

中者復中和之氣所生謂之賢才者謂人之有俊才者有此賢者當以養育教誨不能進之以善故樂父兄如中也棄不中才也棄不之賢以養已也

才則賢不肖之相去其間不能以寸如使賢者棄愚

不養其所當養則賢亦近愚矣如此賢不肖相覺何能分寸明不可不相訓導也○章指

言父兄已賢子弟既頑
教而不改乃歸自然
○孟子曰人有不為

也而後可以有為
人不為苟得乃能有讓千
乘之志○章指言貴廉賤

耻乃有不為不為
非義義乃可申
○孟子曰言人之不善當

如後患何
人之有惡惡人言之言之當如後
有患難及已乎○章指言好言人

惡殆非君子故曰不
忮不求何用不歲
○孟子曰仲尼不為已

甚者
仲尼彈邪以正正斯可矣不欲其已甚
泰過也○章指言語曰疾之已甚亂也

故孟子譏踰
牆距門者也
○孟子曰大人者言不必信行

不必果惟義所在
果能也大人仗義義有不
得必信其言子為父隱也

有不能得果行其所欲行者若親在不得以
其身許友也義或重於信故曰惟義所在○

章指言大人之行行其重
者不信不果所求合義也
○孟子曰大人者

不失其赤子之心者也
大人謂君國君視民
當如赤子不失其民

心之謂也一說曰赤子嬰兒也少小之心專
一未變化人能不失其赤子時心則為真正

大人也○章指言人之所愛莫過赤子視
民則然民懷之美大人之行不過是也○

孟子曰養生者不足以當大事惟送死可以

當大事

孝子事親致養未足以為大事送終如禮則為能奉大事也○章指言養

生竭力人情所勉哀死送終行之高者事不違禮可謂難矣故謂之大事

○孟子

曰君子深造之以道欲其自得之也

造致也言君子

問學之法欲深致極竟之少知道意欲使已得其原本如性自有之也

自得之

則居之安居之安則資之深資之深則取之

左右逢其原故君子欲其自得之也

居之安若已所

自有也資取也取之深則得其根也左右取之在所逢遇皆知其原本也故使君子欲自

得之也○章指言學必根原如性自得物來能名事來不惑君子好之朝益暮習道所以

也○孟子曰博學而詳說之將以反說約也

博廣詳悉也廣學悉其微言而說之者將以約說其要意不盡知則不能要言之也○章

指言廣尋道意詳說其事要約至義還反於樸說之美者也○孟子曰以

善服人者未有能服人者也以善養人然後

能服天下天下不心服而王者未之有也

以善

服人之道治世謂以威力服人者也故人不心服以善養人養之以仁恩然後心服矣文

王治岐是也天下不心服何由而王也○章指言五伯服人三王服心其服一也功則不同上論堯舜其是違乎○孟子曰言無實不祥不祥之

實蔽賢者當之凡言皆有實孝子之實養親是也善之實仁義是也祥善

當直也不善之實何等也蔽賢之人直於不善之實也○章指言進賢受上賞蔽賢蒙顯

戮故謂之不祥也。徐子曰仲尼亟稱於水曰水哉水

哉何取於水也徐子徐辟也問仲尼何取於水而稱之也孟子曰

原泉混混不舍晝夜盈科而後進放乎四海

有本者如是是之取爾言水不舍晝夜而進盈滿科坎放至也至

於四海者有原本也以况於事有本者皆如是是之取也苟為無本七八

月之間雨集溝澮皆盈其涸也可立而待也

苟誠也誠令無本若周七八月夏五六月天之大雨潦水卒集大溝小澮皆滿然其涸乾

可立待者無本之故也故聲聞過情君子恥之人無本行暴得

善聲令聞過其情若潦水不能久也故君子恥之○章指言有本不竭無本則涸虛聲過

實君子耻諸是以仲尼在川上曰逝者如斯○孟子曰人之所以

異於禽獸者幾希庶民去之君子存之

幾希無幾

也知義與不知義之間耳衆民去義君子存義也

舜明於庶物察於

人倫由仁義行非行仁義也

倫序察識也舜明庶物之情識

人事之序仁義生於內由其中而行非強力行仁義也故道性善言必稱堯舜○章指言人與禽獸俱含天氣就利辟害其間不希衆人皆然君子則否聖人超絕識仁義之生於

也。孟子曰禹惡旨酒而好善言

肯酒美酒也儀秋作酒禹

飲而甘之遂疏儀狄而絕肯酒書曰禹拜昌言

湯執中立賢無方

中執

正之道惟賢速立之不問其從何方來舉伊尹以為相也

文王視民如傷

望道而未之見

視民如傷者雍容不動擾也望道而未至殷錄未盡尚有

賢臣道未得至故望而不致誅於紂也

武王不泄邇不忘遠

泄狎

邇近也不泄狎近賢不遺忘遠善近謂朝臣遠謂諸侯也

周公思兼三王

以施四事其有不合者仰而思之夜以繼日

幸而得之坐以待旦

三王三代之王也四事禹湯文武所行事也不

合已行有不合世作而思之參諸天也坐以待旦且言欲急施之也○章指言周公能思三

王之道以轉成王大平之
隆禮樂之備蓋由此也
○孟子曰王者之

迹熄而詩亡詩亡然後春秋作王者謂聖王也太平道衰

王迹止熄頌聲不作故詩亡春秋撥亂作於衰世也
晉之乘楚之檣杙

魯之春秋一也其事則齊桓晉文其文則史

孔子曰其義則丘竊取之矣此三大國史記之名異乘者興

於田賦乘馬之事因以為名檣杙者罵凶之類興於記惡之戒因以為名春秋以二始舉

四時記萬事之名其事則五伯所理也桓文五伯之盛者故與之其文史記之文也孔子

自謂竊取之以為素王也孔子入臣不受君命私作之故言竊亦聖人之謙辭○章指言

詩可以言頌詠太平時無所詠春秋乃與假史記之文孔子正之以匡邪也
孟子

曰君子之澤五世而斬小人之澤五世而斬五

澤者滋潤之澤大德大凶流及後世自高祖至玄孫善惡之氣乃斷故曰五世而斬
予

未得為孔子徒也予私淑諸人也予我也我未得為孔

子門徒也淑善也我私善之於賢人耳恨不得學於大聖也○章指言五世一體上下通

流君子小人斬各有時企以高山跌以陷汙是以孟子恨不及乎仲尼也
○孟子

曰可以取可以無取取傷廉可以與可以無

與與傷惠可以死可以無死死傷勇三者皆謂事可

出入不至違義但傷此名亦不陷於惡也○章指言廉惠勇人之高行也喪此三名列士

病者或設斯科以進能者也○逢蒙學射於羿盡羿之道

思天下惟羿為愈已於是殺羿羿有窮后羿逢蒙羿之家

衆也春秋傳曰羿將歸自田家衆殺之孟子曰是亦羿有罪焉

罪羿不擇人必公明儀曰宜若無罪焉曰薄及上

乎云爾惡得無罪鄭人使子濯孺子侵衛衛

使庾公之斯追之子濯孺子曰今日我疾作

不可以執弓吾死矣夫孺子鄭大夫庾公問衛大夫疾作瘡疾

其僕曰追我者誰也其庾曰僕公之斯也曰

吾生矣僕御也孺子曰吾必生矣其庾曰僕公之斯衛之

善射者也夫子曰吾生何謂也曰庾公之斯

學射於尹公之他尹公之他學射於我夫尹

公之他端人也其取友必端矣

端人用心不邪辟知我是

其道本所出必不害我也

庾公之斯至曰夫子何為不執

弓曰今日我疾作不可以執弓曰小人學射

於尹公之他尹公之他學射於夫子我不忍

以夫子之道反害夫子雖然今日之事君事

也我不敢廢抽矢叩輪去其金發乘矢而後

反

庾公之斯至竟如孺子之所言而曰我不敢廢君事故叩輪去鏃使不害人乃以射

孺子禮射四發而去乘四也詩云四矢反兮

孟子言是以明羿之罪假使如子濯孺子之

得尹公之他而教之何由有逢蒙之禍○章

指言求交取友必得其人得善以全養凶獲

患是故子濯濟難夷

○孟子曰西子蒙不絜

則人皆掩鼻而過之

西子古之好女西施也蒙不絜以不絜汗巾帽

而蒙其頤也面雖好以蒙不絜

雖有惡人齋

戒沐浴則可以祀上帝

惡人醜類者也面雖醜而齋戒沐浴自治

絜淨可以待上帝之祀言人常自治以仁義乃為善也○章指言貌好行惡西子冒臭醜

人絜服供事上帝明
當脩節惟義為常也
○孟子曰天下之言性

也則故而巳矣故者以利為本
言天下萬物之情性常順

其故則利之也改戾其性則失其利矣若以杞柳為桮棬非杞柳之性也
所惡於

智者為其鑿也
惡人欲用智而妄穿鑿不順物之性而改道以養之如

智者若禹之行水也則無惡於智矣禹之行

水也行其所無事也
禹之用智決江疏河因水之性因地之宜引之

就下行其虛空無事之處如智者亦行其所無事則智亦

大矣
如用智者不妄改作作事循理若禹行水於無事之處則為大智也天之

高也星辰之遠也苟求其故千歲之日至可

坐而致也
天雖高星辰雖遠誠能推求其故常之行千歲日至之日可坐知也

星辰日月之會致至也知其日至在何日也
○章指言能脩性守故天道可知妄智改常

必與道乖性命之旨也
○公行子有子之喪右師往吊

入門有進而與右師言者有就右師之位而

與右師言者
公行子齊大夫也右師齊貴臣王驩字子鼓公行之喪齊卿大

夫以君命會各有位次故下云
孟子不與右

師言右師不悅曰諸君子皆與驩言孟子獨

不與驩言是簡驩也右師謂孟子簡其無德故不與言是以不悅也

孟子聞之曰禮朝廷不歷位而相與言踰階

而相揖也我欲行禮子敖以我為簡不亦異

乎孟子聞子敖之言曰我欲行禮故不歷位而言反以我為簡異也云以禮者心惡子

敖而外順其辭也○章指言循禮而動不合時人阿意事貴習有所尊俗之情也是以萬

物皆流而金石獨止○孟子曰君子所以異於人者以

其存心也君子以仁存心以禮存心仁者愛

人有禮者敬人愛人者人恒愛之敬人者人

恒敬之存在也君子之在心者仁與禮也愛敬施行於人人必反之已也有

人於此其待我以橫逆則君子必自反也我

必不仁也必無禮也此物奚宜至哉橫逆者以暴虐

之道來加我也君子反自思省謂已仁禮不至也物事也推此人何為以此事來加我

其自反而仁矣自反而有禮矣其橫逆由是

也君子必自反也我必不忠君子自謂自反我必不忠

而忠矣其橫逆由是也君子曰此亦妄人也

已矣如此則與禽獸奚擇哉於禽獸又何難

焉妄人妄作之人為無知者與禽獸何擇異也無異於禽獸又何足難也是故

君子有終身之憂無一朝之患也乃若所憂

則有之舜人也我亦人也舜為法於天下可

傳於後世我由未免為鄉人也是則可憂也

君子之憂憂不如堯舜也憂之如何如舜而已矣憂之當如之何

乎如舜而後可若夫君子所患則亡矣非仁

無為也非禮無行也如有一朝之患則君子

不患矣君子之行本自不致患常行仁行禮如有一朝橫來之患非已愆也故君

子歸天不以為患也○章指言君子責己小

人不改比之禽獸不足難矣蹈仁行禮不患其患惟不若○禹稷當平世三過其門而不

入孔子賢之顏子當亂世居於陋巷一簞食

一瓢飲人不堪其憂顏子不改其樂孔子賢

之孟子曰禹稷顏回同道當平世三過其門者身為公卿憂民

急也當亂世安陋巷者不用於世窮而樂道也孟子以為憂民之道同用與不用之宜若

是也故孔子俱賢之禹思天下有溺者由已溺之也稷

思天下有飢者由已飢之也是以如其急

也禹稷顏子易地則皆然禹稷急民之難若是顏子與之易地

其心亦然不在其位勞佚異矣今有同室之人鬪者救之雖

被髮纓冠而救之可也鄰有鬪者被髮纓

冠而往救之則惑也雖閉戶可也纓冠者以冠纓貫頤

也鄰鄰同室同室相救是其理也喻禹稷走赴鄰人非其事顏子所以闔戶而高枕也

章指言上賢之士得聖一槩顏子之心有同禹稷時行則時止則止失其節則惑矣

公都子曰匡章通國皆稱不孝焉夫子與之

遊又從而禮貌之敢問何也匡章齊人也一國皆稱不孝問

孟子何為與之遊又禮
之以顏色喜悅之貌也
孟子曰世俗所謂不

孝者五惰其四支不顧父母之養一不孝也

博奕好飲酒不顧父母之養二不孝也好貨

財私妻子不顧父母之養三不孝也從耳目

之欲以為父母戮四不孝也好勇鬪狠以危

父母五不孝也章子有一於是乎怙解不作極耳目之

欲以陷罪戮及父母凡此五者人所謂不夫

章子子父責善而不相遇也責善朋友之道

也父子責善賊恩之大者遇得也章子子父親教相責以善不

能相得父逐之也朋友切磋乃當責善耳父子相責以善賊恩之大也夫章子

豈不欲有夫妻子母之屬哉為得罪於父不

得近出妻屏子終身不養焉夫章子豈不欲身有夫妻之配

子有母子之屬哉但以身得罪於父不得近父故出去其妻屏遠其子終身不為妻子所

養也其設心以為不若是是則罪之大者是則

章子已矣

草子張設其心執持此屏出妻子之意以為人得罪於父而不若是

以自責罰是則罪益大矣是章子之行已矣何為不可與言

○章指言匡章得罪出妻屏子上不得養下以責已衆曰不孝其實則否是以孟子禮貌之也

○曾子居

武城有越寇或曰寇至盍去諸

盍何不也曾子居武城有

越寇將來人曰寇方至何不去之

曰無寓人於我室毀傷其

薪木寇退則曰脩我牆屋我將反

寓寄也曾子欲去戒

其守人曰無寄人於我室恐其傷我薪草樹木也寇退則曰治牆屋之壞者我將來反

寇退曾子反左右曰待先生如此其忠且敬

也寇至則先去以為民望寇退則反殆於不

可左右相與非議曾子者言武城邑大夫敬曾子武城人為曾子忠謀勸使避寇君臣

忠敬如此而先生寇至則先去使百姓瞻望而效之寇退安寧則復來還殆不可如是怪

曾子何以沈猶行曰是非汝所知也昔沈猶

有負芻之禍從先生者七十人未有與焉沈猶

行曾子弟子也行謂左右之人曰先生之行非汝所能知也先生曾子也往者先生嘗從

門徒七十人舍吾沈猶氏時有作亂者曰負
芻來攻沈猶氏先生率弟子去之不與其難
言師寘不與臣同子思居於衛有齊寇或曰寇至盍

去諸子思曰如彼去君誰與守子思欲助衛

君赴難孟子曰曾子子思同道曾子師也父兄

也子思臣也微也曾子子思易地則皆然孟子

以為二人同道曾子為武城人作師則其父
兄故去留無毀子思微少也又為臣委質為

臣當死難故不去也子思與曾子易處同然
○章指言臣當營君師有餘裕二人處義非

殊者也是故孟子結之謂得其宜○儲子曰王使父瞽夫子

果有以異於人乎儲子齊人也瞽視也果能

貌必當有異故使人視夫孟子曰何以異於

人哉堯舜與人同耳人生同受法於天地之

且堯舜之貌與凡同耳其所以異乃以仁義

之道在於內也○章指言人以道殊賢愚體

別顧真足方善惡如一○齊人有一妻一妾
而處室者其良人出則必饜酒肉而後反其

妻問所與飲食者則盡富貴也良人夫也盡富貴者夫詐

言其姓名也其妻告其妾曰良人出則必饜酒肉

而後反問其與飲食者盡富貴也而未嘗有

顯者來吾將矐良人之所之也妻親其詐故欲視其所之

蚤起施從良人之所之徧國中無與立談者

卒之東郭墻間之祭者乞其餘不足又顧而

之他此其為饜足之道也施者邪施而行不欲使良人覺也墻

間郭外冢間也乞其祭者所餘酒肉也其妻歸告其妾曰良人

者所仰望而終身也今若此與其妾訕其良

人而相泣於中庭妻妾於中庭悲傷其良人相對涕泣而謗毀之而

良人未之知也施施從外來驕其妻妾施施猶扁

扁喜悅之貌也為妻妾不知如故驕之也由君子觀之則人之所

以求富貴利達者其妻妾不羞也而不相泣

者幾希矣由用也用君子之道觀今求富貴者皆以枉曲之道昏夜乞哀而求

之以驕人於白日由此良人為妻妾所羞為
 所泣傷也幾希者言今苟求富貴妻妾雖不
 羞泣者與此良人妻妾何異也○章指言小
 人苟得謂不見知君子觀之與正道卒妻妾
 猶羞况於國人著
 以為戒取之甚焉

孟子卷第八

齊宣王問曰
 臣聞君子
 不食嗇
 人之食
 不飲嗇
 人之飲
 臣聞君子
 不食嗇
 人之食
 不飲嗇
 人之飲
 臣聞君子
 不食嗇
 人之食
 不飲嗇
 人之飲

五
六

110X
306
5